



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 36. Molinæi iudicium circa hoc negotium.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

necnon Cardinalis (*) Castillionæus Episcopus Bellovacensis Conservator privilegiorum Universitatis, uterque Cancellarius tum Universitatis, tum S. Genovesæ, atque Nosocomiorum Rectores, & Ordines Mendicantium supplices quoque libellos obtulerunt, & Advocatos sibi selegerunt, qui in hac causa peroraverunt adversus eosdem Patres.

Sæcul. XVI.
A. C. 1565.

§. XXXVI.

Molinæi judicium circa hoc negotium.

Priusquam hæc causa in iudicio agitabatur, Universitas Caroli Molinæi (***) consilium expetebat, hic vero cum ejus consultatio, tum descripta, typis dein divulgata fuisset, hunc in modum respondit: „Jure merito Facultas novam litem contra Jesuitas eo fine „moveret, ut illos, ne docerent, præpediret, eo quod hi novam in Ecclesia societatem constituerent: „ porro hoc suum judicium hic idem Jurisconsultus sequentibus firmabat rationibus. I. Hi

E e 4 Patres

(*) NB. Hic erat apostata ille.

(**) Hic erat ille, qui propter hæresis suspicionem jam sæpius in questionem vocatus, atque inclusus fuit: verum ejusmodi hominum opera semper utilis est, quoties agitur de vexandis Ecclesiasticis.

Sæcul. XVI. A.C. 1565. Patres novam Societatem stabiliunt contra prisca Synodorum decreta, nec non adversus Generale Concilium Romæ sub Innocentio III. Anno Domini millesimo ducentesimo decimo quarto celebratum, quod nova ejusmodi Instituta ad certos limites restringi præcepit, ne tumultus in Ordine Ecclesiastico suscitarentur. II. Hoc idem repugnat Aulæ decretis Cardinalium Nicæ jussu Pauli III congregatorum, aliorumque Præsulum consilio; hi enim novas Religiones admitti vetabant. III. Jam dudum Petrus Alliaccensis Cardinalis, Armachenus Archiepiscopus, Guilielmus de sancto Amore, & Joannes Gerson idem sentiebant. IV. Denique non minus æquitati, quam ordini contrariatur, quod unacum Universitate aliud Collegium ex extraneis conflatum, nec ab ea dependens, nullo pacto cum illa conjunctum tolleretur.

§. XXXVII.

Petrus Verforius pro Jesuitis perorans.

Postea inter celeberrimos Senatus Advocatos duo seligebantur, Stephanus Pasquierius, & Petrus Verforius, qui utrinque circa hanc causam perorabant, & quidem primus Universitatis